

金鎖流珠引卷之二十三



金鎖流珠引卷之二十三

辭三

中華總真太極書張道陵遺書高奇命李仲夏等錄許谷等係代撰述

中華仙人李

淳風

注

行符斷邪治病法

太上老君告羅天師曰卿欲行陰功者莫過

賜符救治邪病為上救一人得十人之功也

夫邪病之人皆入人家祟亂人物一人染患

能亂入一村祟攢十人之家故得十人之功

斬精鬼妖氣故氣命非為罪亦著而為功也

後聖君告張天師曰卿與人治病病差祟除

除崇有命斬之非罪却著為功若不為崇妄
使檄符捉斬恐為禍崇即非常正面之罪卿
師弟繼代傳教慎勿為此吾道無救赦之科
老君曰欲禁斷天狐使不為人天崇者行得
被崇人姓名訖便捨天妖目或天狐亦得天

辭三

獸目有天虎天狗天牛天豹天狐等獸之目

後聖君曰天獸麒麟師子網風騎置十二塵

世諭百六塵六脚之獸天虬天羊天猿等有

三百六十名不可一一記也已上獸皆有訣

目刀支在流珠第七卷名掌訣是也訣刀支

等一切獸皆被禁即斷不來注病於人人身
中有此精妖注氣不散事須先與吞治邪病
符二七日或三七四七日服符帶檄無不永
差斷者此法大驗符檄在三部雜符中其精
崇鬼有所知通神者即知退而不敢更來往

注崇也如有癡頑凶逆不承道法之者可以

躡地紀三遍

順倒反

飛天網三遍散為禹步

三步九跡訖即變三步九跡為十二步前其

有圖在引上卷中

配衣以左手九指天中魔

王宮天使金銅龍符右手把招之九下此符

化爲萬丈大龍往天曹魔宮捉天狐獸等來
速如水火決杖經云天狐不用殺但決二十
下縛送東海令水官掌十年或五年十五年
二十年由考召法師處分科決禁繫此等天
狐此狐犯禁其人之罪云云若干下縛送水

辭三

官禁繫若干年後聖君告天師曰卿治百姓
之疾常行禁止之事以量其輕重之罪斷之
斷罪常以捨其鬼神勿令傷重重即令他失
於本身何況更求託生人中爲人之身按因
緣說生死經云夫鬼精之身早是不得意而

以更行毒害祟人被人請師道以考召伏罪
合誅勿示見斬此鬼身毒氣結聚不散被斬
便化爲毒蛇千年方得不轉蛇身只得爲人
中雞犬之屬由未得人身卿須以決非禁繫
他他日月深久自知退心悔責其已求放作
夢託言警戒令人知覓放得即求去他方世
界受鬼年滿得託人中亦爲下人貧賤之身
安得良人也卿須記吾此言慎勿妄行符檄
又曰符者止是以假道之威力止靖斷精鬼
不爲祟害於人物檄者罵也所以假道之威

諫罵神鬼不令妄作妖禍卿須善行之行之
善有功行之凶有罪老君告三十三天帝君
度人經云有三十二天何以不同經說四方
一方八帝四八三十二中天不數今老君并
中天告即有三十三天帝君是其數也曰元

辭三

三

始天尊有金符八萬四千道玉符亦同稱元

皇上聖大道君太上大道君有金符一萬二

千玉符同稱萬道之主太上老君有金符一

萬二千玉符同稱虛皇大道玉晨帝君號曰

前聖無上老君昇位號太平金闕玉晨後聖

玄元上道君 太平經云號玉皇上帝也 又金

闕玉京云無上老君姓李名耳字伯陽老君

分身也 紀云後身 登上清道君之位鬢髮皓

色素衣玉光位高後聖尊號玉皇 道中呼玉

皇止帝俗中呼天翁上帝有金符一萬三千

本合四千為後聖君不受故尊元始天尊之

位玉符同天帝君金符三千玉符同天師君

金符三千玉符同以次小真上仙只合居三

百二百一百之者司命司錄君三十六符考

召正法師 九州考召法師是正師之位 居三

十六符分巡各隨位封給符數不得輕泄後
聖君告大王君曰正考召法師加一十三符
并前二十六符都計四十九符也其符有名
在拔宅下卷中分巡如給九符加以金銅造
之幣以治人重疾病出兵用法中皆以重
封錦袋盛之與人勿令人見視視即無神驗
之力緣其符性直并又麤凶不欲人見其形
見之所作神通騰空勇猛却損其病人准前
病發不可能忍慎之慎之上清三景弟子可
給七符五法靈寶可給六符正一盟威可給

五符若法極三元六式爲世足法可准太上
老君律計給三十六符後聖君法給四十九
符授此各依仙官大小高下等級不得妄受
行天地不許昔仙葛玄本師受金符一十二
道以木書作文用爲法術幻惑世人及取金
銅符用印紙上作術用殺害鬼神及幻惑人
物變化之事甚多也地府奏天曹天曹啓太
上後聖大惡之退仙二階但與不死之道爲
使道不真無功於人實虛害鬼後學者慎勿
爲此也

辭三

四

出引用符治病護身鎮厭除害却禍

消怪等事諸法用事皆須爲之

老君曰夫有行道法之人世號曰道士尊師
須得消其尊師二字學與官人百姓書符不
給符引妄書妄給都不言其指歸社廟神官
亦不知人受佩符信如此符檄爲精杖反欺
爲社廟總不聞知若爲令朱墨及故紙耳豈
能治得其疾病如此之人妄稱道士亦甚可
嗟可歎痛哉耳

前三五句是老君言後是羅

天師所說符引言符若干道往某乙家治病

限若干差訖報右仰社稷直符隨人送往訖
報年月日時引考召某官法師某乙羅天師
曰吾受老君口訣若與人符須有過止印署
如法過止今之引是給訖即捨禁鬼訣躡地
紀二遍呪三遍呪曰

辭三

五

太上老君先天地生被照九炁罷廢群精社
公等崇生無其形世人死者假易姓名不上
鬼錄合被誅刑聞我符牒到即變真形但以
汝是山鬼不得枉害疾病中傷道民某甲三
魂七魄催遣急還佩其真形形如太上急急

如律令誦此呪訖其符甚驗疾病若是有鬼
爲祟應口差愈卽爲通靈道士方可求仙羅
天師言見世有道士自身不能救治其疾病
而猶服其藥何況更欲救治他人如此之流
猶尚望覓其仙道笑痛之甚笑痛之甚

治救病疾禁止鬼神追捉妖祟出牒
等法

太上老君金口科玉條正律曰律正邪制鬼
伏神祐人金科有三百六十科正條有玉律
三十卷一萬五千條制止神人龍鬼精魅妖

邪之氣不正之鬼各條律科罰罪誅斬行禁
不輕本玉條有一萬五千分爲六十卷今於
六十卷中略出要行用者三十六要法於第
九條中書出行用救人制鬼伏神出牒符條
中出牒帖於三官中天神地祇等制止收捉

勘問決斷罪善惡輕重之事以著功安祐生
人制止鬼神不爲祟害

第一術法爲國除凶惡凶人惡鬼也以發正

牒某地界神頭首第一行云考召法師牒某

嶽某神官云云須得兵神姓名號牒得某郡

國地主某人狀有某賊姓名等作某事於某
云云一依陽官公事文牒相似唯後件即言
依法事須牒某杜廟不言依檢事須云云且
太上老君行法唯言法字也

第二者收鬼神為祟病人法此小鬼神即帖

辭三

六

社廟及此人宅神禁之永斷即云考召法師

帖某縣社稷

今李天師先言添城隍神官右

得百姓

若官人等即云某官某乙

狀云男女

妻

但病人姓名號某乙

去某年月日得某病

稍似有邪氣在身纏結不差某乙以百方治

救差損今無處依投以虔誠切心歸依大道
救治禁止鬼賊之病差損伏乞處分者考召
法師今封奏上玉皇上帝請改考召法師號
爲考召正使天下鬼神具以知伏判云云判
語盡即云依法事須差直日符官把帖追捉
爲祟鬼賊科決云云罪重即言誅斬罪輕即
言決杖收禁令病限若干日差訖報上者後
云某年某月日時典趙芮帖趙芮是漢安帝
時張天師弟子趙昇之子學道成能禁術萬
端不以道用殺人常以將法於人中戲弄之

用閑追鬼神誅斬雖溥救人疾病不以爲功
常行誅害鬼神閑禁蛇蝎蟲蛟虎豹死者成
群能禁河斷流枯樹生花葉履水如地結蘆
葉爲船過江以載數十人而已其人在水中
看船似船及人上涯側是蘆草之葉至宣帝

辭三

七

成帝三朝重之封爲碩侯以咸陽公主嫁之
轉加雄用如此七十餘年天下鬼神被役使
不停鬼神怨怒聞天太上後聖君大嗔追責
退仙二階賜與不死之命罰一千五百年爲
考召去師下書吏風奏請爲典者名目因此

風再奏賜身歸中嶽修行名爲考召使使行
法救人疾病急難災厄以補其殺物命之過
後必得大仙今且被責年數未滿代代傳後
學得道力勿妄行用慎之慎之風以常歎以
上仙葛玄之流皆不免有此之過失也

第三天下久而不雨百姓種植田農枯損實
有焦旱死者潛行法勅龍牒社廟遣行雨救
之甚有功德老君曰天下久不雨實有損傷
者可以夜靜室中躡地紀三遍順倒反飛天
網三遍順倒反即散爲三步九跡禹步訖呪

曰

太上李老君在九重天上萬重綵雲之中騎
麒麟有勅令下界六真王高出帖帖龍王差
直月直日直時三龍吏等行雨呪訖即配衣
歸古手為天關指有龍溪潭中指乾吏人乎

帖牒有近潭大廟即牒無大廟即作帖發遣

龍行雨潭中龍應時下雨速於水火之相滅

有訣在掌訣中細看檢取本師口受

第四天久雨不晴淹浸種植此名天病神龍
淫亂之故作法取晴老君曰夜靜室中無人

見視之處躡地紀三遍即飛天網三遍訖下
網散爲禹步三步九跡配衣左手爲天關指
萬里雲氣九度訖呪曰

太上李老君金口所勅今日某時遣晴即消
台天病天地清白日月照行訖下網令書吏

辨三

書帖直日符官把帖帖城隍社廟神共把帖
勅龍王將吏風伯雨師令速收雲卷雨今日
某時仰晴亦速於水火

第五忽有大狂風吹折樹木倒落屋舍茅非
天神天神行雖作風雨而無損傷也也過者可

作法收之便止老君曰告禁天大將軍趙伯禽曰趙伯禽是楚人能禁天上龍麟羊豹虎等太微帝作步虛章云天獸三百名師子巨萬尋諸獸禽鳳凰鵬翔金翅等皆一一禁捉下地上科決放令再上并及風雲雨雪霜露等令不生令便降生總得隨心應念立止大驗也夫天上有靈禽獸者正助天正氣道之念也此獸亦能佐道正氣而常衛護有道之人不可妄行禁制禁制即不能雄猛騰空雲路力便日衰

夫獸物之能雄猛勇力被禁之

後不能勇力雄猛騰空雲路便日漸衰因而
死漸至困死妖獸妖禽不可不禁不禁下界
作妖變怪祟人物人物不安故合可禁止之
而若不為妖祟不可妄有禁制禁制是反天
也慎之後聖君曰龍有妖龍虎有妖虎天獸

辭三

九

皆有妖怪之者可須禁之勿令為妖祟害人
物禁之法先須從地紀躡三遍即飛天綱三
遍各從呪遍

地紀十八呪天綱十二呪呪訖

為禹步配衣轉天關而指之九下即發牒隨
獸使相類之者捉之立到道場而隨罪責之

呪訖散爲禹步配衣轉天關而指之九度差
合類使者把牒而追捉之到問罪科決却放
勿得妄殺止狂風法老君曰先躡地紀三遍
後飛天網三遍誦呪陰呪不得高令人耳聞
聞則天龍神不伏也

太上告命北斗七星天地之中大道正平神
正無凶龍正無精鬼妖不得動不正不敢行
何忽狂風吹動天庭樹木摧折屋舍倒傾太
上捉汝符牒俱併縛汝凶神妖龍等輒不得
風生急急如律令誦呪訖即散爲禹步前三

步九跡次即變爲十二跡次即變十五跡即
配衣轉天關九度轉指之陰出牒差日神與
式神兵馬領社稷神所由兵捉行風神龍鬼
科決應時便止絕速於水火捻訣訣在左手
第二指上第三第二等節捻之即止

金鎖流珠引卷之二十三



